

四庫全書

經部

欽定四庫全書

經部

儀禮鄭註句解卷一

詳校官監察御史臣查瑩

侍讀臣孫球覆勘

總校官進士臣繆 珪

校對官學正臣蔡必昌

謄錄監生臣桑 英

欽定四庫全書

經部四

儀禮鄭註句讀

禮類二 儀禮之屬

提要

臣等謹按儀禮鄭註句讀十七卷監本石經正誤一卷

國朝張爾岐撰爾岐有周易說畧已著錄是書

全錄儀禮鄭康成注摘取賈公彥疏而畧以

己意斷之因其文古與難通故併為之句讀

馬端臨文獻通考載其父廷鸞儀禮注疏序

稱其家有景德中官本儀禮正經注語皆標
起止而疏文列其下因以監本附益之手自
點校并取朱子禮書與其門人高弟王氏楊
氏續補之編分章條析題要其上今廷鸞之
書不傳爾岐是編體例畧與相近案禮記曰
一年視離經辨志注曰離經斷句絕也則句
讀為講經之先務沈約宋書樂志於他樂歌
皆連書惟鐸舞曲聖人制禮樂篇有聲音而

無文義恐迷其句遂每句空一字書之則難
句者為之離析亦古法也至于字句同異考
證尤詳所校除監本外則有唐開成石刻本
元吳澄本及陸德明音義未詳與黃幹所次
經傳通解諸家其謬誤脫落衍羨顛倒經注
混淆之處皆參考得實又明西安王堯典所
刊石經補字最為舛錯亦一一駁正蓋儀禮
一經自韓愈已苦難讀故習者愈少傳刻之

訖愈甚爾岐茲編于學者可謂有功矣顧炎武少所推許而其與汪琬書云濟陽張君稷若名爾岐者作儀禮鄭注句讀頗根本先儒立言簡當以其人不求聞達故無當時之名而其書實有可傳使朱子見之必不僅謝監獄之稱許也又其廣師一篇曰獨精三禮卓然經師吾不如張稷若乃推挹之甚至非徒然也爾岐蒿菴集中有自序一篇稱尚有吳

氏儀禮攷注訂誤一卷今不在此編中然此
編乃新刻之本無所佚脫或是卷又自別行
歟乾隆四十四年二月恭校上

總纂官

臣

紀昀

臣

陸錫熊

臣

孫士毅

總校官

臣

陸

費

曄

儀禮鄭註句讀原序

在昔周公制禮用致太平據當時施於朝廷鄉國者勒
為典籍與天下共守之其大體為周官其詳節備文則
為儀禮周德既衰列國異政典籍散亡獨魯號秉禮遺
文尚在孔子以大聖生乎其地得其書而學焉與門弟
子修其儀定其文無所失墜子思曰仲尼祖述堯舜憲
章文武孔子亦自謂曰吾學周禮今用之吾從周文王
既沒文不在茲乎竝謂此也秦氏任刑廢禮此書遂熄

漢初高堂生傳儀禮十七篇武帝時有李氏得周官五篇河間獻王以考工補冬官共成六篇奏之後復得古經五十六篇於魯淹中其中十七篇與高堂生所傳同餘三十九篇無師說後遂逸漢志所載傳禮者十三家其所發明皆周官及此十七篇之旨也十三家獨小戴大顯近代列於經以取士而二禮反日微益先儒於周官疑信各半而儀禮則苦其難讀故也夫疑周官者尚以新莽荆國為口實儀禮則周公之所定孔子之所述

當時聖君賢相士君子之所遵行可斷然不疑者而以
難讀廢可乎愚三十許時以其周孔手澤慕而欲讀之
讀莫能通旁無師友可以質問偶於衆中言及或阻且
笑之聞有朱子經傳通解無從得其傳本坊刻考註解
詁之類皆無所是正且多謬誤所守者唯鄭註賈疏而
已註文古質而疏說又漫衍皆不易了讀不數繙輒罷
去至庚戌歲愚年五十九矣勉讀六閱月乃克卒業焉
於是取經與註章分之定其句讀疏則節錄其要取足

明註而止或偶有一得亦附於末以便省覽且欲公之同志俾世之讀是書者或少省心目之力不至如愚之屢讀屢止久而始通也因自嘆曰方愚之初讀之也遙望光氣以為非周孔莫能為已耳莫測其所言者何等也及其矻矻乎讀之讀已又默存而心歷之而後其俯仰揖遜之容如可睹也忠厚藹惻之情如將遇也周文郁郁其斯為郁郁矣君子彬彬其斯為彬彬矣雖不可施之行事時一神往焉彷彿戴弁垂紳從事乎其間忘

其身之喬野鄙儻無所肖似也使當時遇難而止止而
竟止不幾於望辟雖之威儀而卻步不前者乎噫愚則
幸矣願世之讀是書者勿徒憚其難也濟陽張爾岐

欽定四庫全書

儀禮鄭註句讀卷一

濟陽張爾岐撰

士冠禮第一

鄭目錄云童子任職居士位年二十而冠主人玄冠朝服則是仕於諸侯天子

之士朝服皮弁素積古者四民世事士之子恒為士冠禮於五禮屬嘉禮大小戴及別錄此皆第一○賈

公彥序云周禮儀禮並是周公攝政太平之書疏云周禮是純二儀禮是踐履外內相因首尾是一又云

儀禮亦名曲禮言儀者見行事有威儀言曲者見行事有曲折此冠禮是童子任職為士年及二十其父

兄為加冠之禮鄭引齊語以證冠者與其父兄之皆士也其云仕於諸侯明非天子之士實則天子之士

亦同此禮惟主人冠服有異疏又云天子諸侯同二十而冠自有天子諸侯冠禮但儀禮之內亡耳士既三加為大夫早冠者亦依士禮三加若天子諸侯則多故大戴禮公冠篇云公冠四加緇布皮弁爵弁後加玄冕天子亦四加後當加衮冕矣天子之子亦用士禮而冠案家語冠頌云王太子之冠擬冠則天子元子亦擬諸侯四加若諸侯之子不得四加與士同三加可知陳氏祥道云玉藻曰玄冠朱組纓天子之冠也緇布冠績綌諸侯之冠也鄭氏曰皆始冠之冠考之於禮始冠緇布冠自諸侯下達所以異於大夫士者績綌耳天子始冠則不以緇布而以玄冠若然則諸侯始加緇布冠績綌次加皮弁三加爵弁四加玄冕天子則始加玄冠朱組纓次加皮弁三加爵弁四加玄冕五加衮冕矣疏又云冠禮於五禮屬嘉禮者據周禮大宗伯所掌五禮吉山軍賓嘉而言宗伯以嘉禮親萬民下云以冠昏之禮親成男女是冠禮

屬嘉禮也鄭又云大小戴及別錄此皆第一者戴德戴聖所錄與劉向所為別錄皆有此十七篇目惟別錄所載尊卑吉凶次第倫敘故鄭用之於二戴則皆不從也○愚案篇目下語與經註同出康成必別之曰鄭目錄云者以其自為一篇疏者始分於各篇之首故殊異於註也又案註疏於篇目下繫儀禮鄭氏註五字疏云儀禮者一部之大名士冠者當篇之小號退大名在下者取配註之意也蓋鄭本以目錄別為一篇註文正從士冠禮筮於廟門起故每篇以儀禮鄭氏註冠之謂之配註誠是也疏既散目錄於每篇之首乃以儀禮之名屈居其下雖曰存舊實未當理故寧從近本又唐石經有經無註亦書儀禮鄭氏註五字於篇目下皆前人之偶失也

士冠禮筮于廟門

筮者以著問日吉凶於易也冠必筮日於廟門者重以成人之禮成子孫

也廟謂禰廟不於堂者嫌著之靈由廟神。將冠先筮日次戒賓至前期三日又筮賓宿賓前期一日又為期告賓冠期前事凡五節。冠主人玄冠朝服緇帶素鞶古亂反策市例反禰乃禮反主人玄冠朝服緇帶素鞶

即位于門東西面

主人將冠者之父兄也玄冠委貌也朝服者十五升布衣而素裳也衣不

言色者衣與冠同也筮必朝服尊著龜之道也緇帶黑繒帶也士帶博二寸再繅四寸屈垂三尺素鞶白韋鞶也長三尺上廣一尺下廣二尺其頸五寸肩革帶博三寸天子與其臣玄冕以視朔皮弁以日視朝諸侯與其臣皮弁以視朔朝服以日視朝凡染黑五入為緇七入為緇玄則六入與。主人欲筮日先服此服即位禰廟門外以待事正行冠禮服玄端爵鞶此服朝服故云尊著龜朝服以朝玄端以夕是朝服尊於玄端也玄端與朝服衣同而裳異士帶博二寸三句玉藻文再繅四寸再統之乃四寸也。朝直遙反緇側其反鞶音畢蔽膝

也。繒自陵反。繒音了。長直亮反。有司如主人服即位于廣。古曠反。弁皮彡反。緌側留反。

西方東面北上

有司羣吏有事者謂主人之吏所自辟除府史以下也。今時卒吏及假吏皆是。

也。羣吏與屬吏不同。屬吏君命之士。羣吏則府史胥徒也。辟必亦反。卒子忽反。假古雅反。筮與席

所卦者具饌于西塾

筮所以問吉凶謂著也。所卦者所以畫地記爻。易曰六畫而成卦。饌

陳也。具俱也。西塾門外西堂也。廟門東西有四塾。內外各二。筮不正當門中而在闕西。西面故將筮而著與

席與。畫地記爻之木俱陳於門外。西堂也。饌直轉反。塾音孰。爻戶交反。布席于門中。闕西

闕外西面

闕門梁也。闕間也。古文闕為。闕為。闕為。布席將坐以筮也。前具之西塾至此乃布之云。

門中者以大分言之。闕西闕外則布席處也。註云今文古文者今文高堂生所傳古文魯恭王壞孔子宅所得

也鄭以今古字並較擇義勝者著於經其所不從者疊見於註或言古文某為某或言今文某為某○關魚列

反關音域歷其月反筮人執筮抽上鞮兼執之進受命

於主人筮人有司主三易者也鞮藏筮之器也今時藏

前受命者當知所筮也○筮即著兼執之者兼上鞮與下鞮而并執之此時著尚在下鞮待筮時乃取出以筮

三易連山歸藏周易也筮得一卦而三人各據一易以占也○筮初革反鞮音獨 宰自右少退

贊命 宰有司主政教者也自由也贊佐也命告也佐筮主人告所以筮也少儀曰贊幣自左詔辭自右筮

人許諾右還即席坐西面卦者在左即就也東面受命右還北行就席卦

者有司主畫地識爻者也○士著三尺故坐筮大卒筮夫著五尺則立筮矣卦者在左亦西向○還音旋 卒筮

書卦執以示主人

辛巳也書卦者筮人以方寫所得之卦也○先畫地識爻至六爻畢卦體

成筮人更以方寫之

主人受眡反之

知反還也○主人既知卦體還之筮人

今占筮人還東面旅占卒進告吉

占旅衆也還與其屬共占古文旅作臚

若不吉則筮遠日如初儀

遠日旬之外○疏曰曲禮吉事先近日此冠禮是吉事故

先筮近日不吉乃更筮遠日是上旬不吉乃更筮中旬又不吉乃更筮下旬云如初儀者自筮於廟門已下至

告吉是也愚案少牢云若不吉則及遠日又筮日如初此大夫誅日而筮上旬不吉必待上旬乃更筮之其云

如初乃自筮於廟門已下至告吉也此士冠禮若筮上旬不吉即筮中旬不更待他日其云如初儀止從進受

命於主人以下至告吉而已不自筮於廟門也

徹筮席

徹去也

宗人告事畢宗人

有司主
禮者也

右筮日

主人戒賓賓禮辭許

戒警也告也賓主人之僚友古者有吉事則樂與賢者歡戒之有凶

事則欲與賢者哀戚之今將冠子故就告僚友使來禮辭一辭而許也再辭而許曰固辭三辭曰終辭不許也

○主人筮日訖三日之前廣戒僚友使來觀禮戒賓者主人親至賓大門外賓西面主人東面戒之其戒辭對

辭並見後主人再拜賓答拜主人退賓拜送

退去也歸也

右戒賓

前期三日筮賓如求日之儀

前期三日空二日也筮賓筮其可使冠子者賢者恒

吉冠義曰古者冠禮筮日筮賓所以敬冠事敬冠事所以重禮重禮所以為國本○前者戒賓汎及僚友此又於僚友中專筮一人使為加冠之賓也疏云命筮之辭蓋云主人某為適子某加冠筮某為賓庶幾從之若庶子則云庶子某惡意主人二字似未安亦言其銜位可耳

右筮賓

乃宿賓賓如主人服出門左西面再拜主人東面答拜宿進也宿者必先戒戒不必宿其不宿者為衆賓或悉來或否主人朝服○既筮得吉遂進之使至冠日必來攢者傳辭入告賓賓乃宿賓賓許主人再拜賓答拜主如主人服出與相見人退賓拜送乃宿賓者親相見致其辭○重言乃宿賓者上文言主人往行此禮此乃親致宿之

之辭也辭宿贊冠者一人亦如之贊冠者佐賓為冠事
並見後

中士若下士也宿之以筮賓之明日○佐賓為冠事即
下文坐擲設纓卒紼諸事助賓成禮故取其屬降於賓
一等者為之

右宿賓宿贊冠者

厥明夕為期于廟門之外主人立于門東兄弟在其南
少退西面北上有司皆如宿服立于西方東面北上其厥

也宿服朝服○宿賓之明夕冠前
一日之夕也為期猶言約期也
擯者請期宰告曰質

明行事

擯者有司佐禮者在主人曰擯在客曰介質
正也宰告曰旦日正明行冠事○擯必勿反告

兄弟及有司

擯者告也

告事畢

宗人告也

擯者告期於賓之家

前

所戒賓皆告也

右為期

夙興設洗直于東榮南北以堂深水在洗東

夙早也興起也洗承

盥洗者棄水器也士用鐵榮屋翼也周制自卿大夫以下其室為夏屋水器尊卑皆用金鼎及大小異○至期

先陳設冠服器物主賓各就內外之位主人迎賓及贊冠者入乃行三加之禮加冠畢賓醴冠者冠者見于母

賓字冠者凡九節而冠禮成賓出矣盥手洗爵皆一人浥水沃之下有器承此澆水其器曰洗堂下設洗其東

西當屋東翼其南北則以堂為淺深以壘貯水在洗之東夏屋兩下為之故有東西翼天子諸侯則四阿釋文

曰凡度淺深曰陳服于房中西墉下東領北上墉墻之

深○深中鳩反

服即下文爵弁服皮弁服玄端三服也房在堂上之東北上者爵弁服在北皮弁服次南玄端最南也冠時先用卑服北

上便也

爵弁服纁裳純衣緇帶黼黻

此與君祭之服雜記曰士弁而

祭於公爵弁者冕之次其色赤而微黑如爵頭然或謂之緇其布三十升纁裳淺絳裳凡染絳一入謂之緇再入謂之纁三入謂之纁朱則四入與純衣絲衣也餘衣皆用布唯冕與爵弁服用絲耳先裳後衣者欲令下近緇明衣與帶同色黼黻緇也士緇黻而幽衡合章為之士染以茅蒐因以名焉今齊人名蒨為黼黻黻之制似鞞冠弁者不與衣陳而言於上以冠名服耳今文纁皆作熏○此士助祭於公之服服之尊者不爵弁者冕之次者謂諸冕之下即次數爵弁亦言其尊也疏云凡冕以木為體長尺六寸廣八寸績麻三十升布上以玄

下以纁前後有旒其爵弁制大同唯無旒又為爵色為異又名冕者俛也低前一寸二分故得冕稱其爵弁則前後平故不得冕名其尊卑次於冕故云冕之次也又云陳服則於房緇布冠皮爵弁在堂下是冠弁不與服同陳今以弁在服上並言之者以冠弁表明其服耳不謂同陳之也愚按此服第三加所服也○纁許云反黹音妹黹音閭緇七絹反頽丑貞反緇音溫黹音弗蒨七見反皮弁服素積緇帶素韠

此與君視朔之服也皮弁者以白鹿皮為冠象上古也積猶辟也以素為裳辟廢其要中皮弁之衣用布亦十五升其色象馬○此視朔時君臣同服之服卑於爵弁陳之在爵弁南第二加所服言裳不言衣者用白布衣與冠同色故不言玄端玄裳黃裳雜裳可也緇帶爵韠衣也○要一遙反玄端玄裳黃裳雜裳可也緇帶爵韠此莫夕於朝之服玄端即朝服之衣易其裳耳上士玄裳中士黃裳下士雜裳雜裳者前玄後黃易曰夫玄黃

者天地之雜也。天子而地黃士皆爵韋為韠其爵同。不以玄冠名服者，是為緇布冠。陳之玉藻曰：韠君朱大夫素士爵韋。○此士向幕之時，夕君之服服之下，陳皮弁服。南初加緇布冠所服也。玄端與朝服同用緇色十五升布，正幅為之，但朝服素韠，韠裳同色。此用三等裳爵韠，故異其名也。又此服平時皆著玄冠服之，當以玄冠名其服。今不言者，以加緇布冠缺項青組纓屬于缺緇冠時以配緇布冠故也。

纓廣終幅長六尺，皮弁笄爵弁笄，緇組紘纁纁邊同篚。缺

如有頰者，弁之頰緇布冠無笄者，著頰圍髮際結項中。隅為四綴以固冠也。項中有絛亦由固頰為之耳。今未冠笄者，著卷頰頰象之所生也。滕薛名齒為頰屬猶著纁今之幘梁也。終充也。纁一幅長六尺，足以韜髮而結之矣。笄今之簪有笄者屈組為紘垂為飾，無笄者纁而結其條纁邊組側赤也。同篚謂此以上凡六物。隋方曰：

篋○此所陳者飾冠之物非謂冠也缺項青組纓屬于
篋共一物縹纓一物並縹布冠所用皮弁筭一物爵弁
筭一物縹纓組皮弁爵弁各有一共二物凡六物同篋
貯之待冠時隨各冠致用也註謂缺讀如有頰者弁之
頰案詩句以頰為弁之貌非弁上之物也陳氏祥道云
鄭說缺項之制蓋有所傳讀缺為頰無所經見今註及
疏所言缺項之制蓋謂縹布冠制小纓足容髮又無筭
故別為缺項圓纓髮際上有縹以連冠下有纓以結頤
下縹纓韜髮之帛加冠時先以縹韜髮結之乃加冠也
其縹纓則為二弁有筭者而設加弁以筭橫貫之以
一條組於筭左頭繫定遠頤下自右向上仰屬於筭屈
繫之有餘因垂為飾故註云有筭者屈組為纓也○缺
依註音頰去藥反屬章玉反縹山綺反縹紀屈
反卷去圓反齒古內反簪側金反隋他果反櫛實于
篋篋筭也○櫛莊乙反蒲筵二在南一為醴子也在南在

三服之南通指缺項纓筭組擗等不專言
蒲筵疏云對下文側尊一甌醴在服北也
側尊一甌醴

在服北有篚實勺觶角柶脯醢南上

側猶特也無偶曰側置酒曰尊側者

無玄酒服北者練裳北也篚竹器如筭者勺尊升所以
斟酒也爵三升曰觶柶狀如匕以角為之者欲滑也南
上者篚次尊還豆次篚古文甌作廡○側尊單設也尊
字作虛字用○甌音武勺上若反觶之豉反柶音四醢
音海筭力呈反斟九于反廡音武
爵弁皮弁緇布冠各一匭執以待于

西北南南面東上賓升則東面

爵弁者制如冕黑色但無纁耳周禮王之皮弁

會五采玉璫象邸玉笄諸侯及孤卿大夫之冕皮弁各
以其等為之則士之皮弁又無玉象邸飾緇布冠今小
吏冠其遺象也匭竹器名今之冠箱也執之者有司也
站在堂角古文匭為簠站在簠○有司三人各執一冠

豫在西階西以待冠事實未入南面序立賓升堂則東
面向賓也○區素管反纁音早璣音其築素管反襜以
反占

右冠日陳設

主人玄端爵韠立于阼階下直東序西面

玄端士入廟之服也阼猶

酢也東階所以答酢賓客也堂東西牆謂之序○案特牲祭服用玄端玄端是士自祭其先之服與上所陳為

子加緇布冠之玄端一服也但玄冠耳主人服此服立阼階下以待賓至其立處與堂上東牆相直○阼才故

反酢才兄弟畢袵玄立于洗東西面北上

兄弟主人親戚也畢猶盡

也袵同也玄者玄衣玄裳也緇帶韠位在洗東退於主人不爵韠者降於主人也古文袵為均也○袵訓同同

玄衣裳帶擯者玄端負東塾東塾門內東堂負之北面○擯者立此以待傳命疏

謂別言玄端不言如主人服則與主人不同可知將冠當衣冠同而裳異也下文贊者別言玄端亦然

者采衣紒在房中南面采衣未冠者所服玉藻曰童子之飾也緇布衣錦緣錦紳并紐

錦束髮皆朱錦也紒結髮古文紒為結○賓如主人服紒音介字彙曰同結緣以絹反紐女九反

贊者玄端從之立于外門之外外門大門外

右主人與賓各就内外位

擯者告告者出請入告主人迎出門左西面再拜賓答拜左東

以東為左以東為右主人揖贊者與賓揖先入贊者賤揖之而已又與賓揖先

入道之贊者隨賓

每曲揖

周左宗廟入外門將東曲揖直廟將北曲又揖○疏云周左宗廟者祭義

與小宗伯俱有此文對殷右宗廟也言此欲見入大門東向入廟云入外門將東曲揖者主人在南賓在北俱向東是一曲故一揖也至廟南主人在東北面賓在西北面是一曲為二揖通下將入廟又揖三也至于

廟門揖入三揖至于階三讓

入門將右曲揖將北曲揖當碑揖○上文每曲揖據

入大門向廟時既入廟主人趨東階賓趨西階是主人將右欲背賓宜揖既當階主賓將北面趨階與賓相見又宜揖廟中測影甍牲之碑在堂下三分庭之一在北是庭中之大節至此又宜揖皆因變伸敬以道賓也

主人升立于序端西面賓西序東面

主人賓俱升立相鄉○鄉許亮反

贊者盥于洗西升立于房中西面南上

盥於洗西由賓階升也立於房

中近其事也南上尊於主人之贊者古文盥皆作浣○贊者止一人云南上者與主人之贊者為序也○盥音

管浣戶
管反

右迎賓及贊冠者入

主人之贊者筵于東序少北西面

主人之贊者其屬中士若下士筵布席也

東序主人位也適于冠於阼少北辟主人○為將冠者布席也將冠者出房南面

南面立於

房外之西

贊者奠纒笄櫛于筵南端

贊者賓之贊冠者也莫停也古文櫛

為節賓揖將冠者將冠者即筵坐贊者坐櫛設纒

即就設施○古

人坐法以膝著地兩趾向後如今之跪經凡言坐皆然

賓降主人降賓辭主人對

主人降為賓將盥不敢安位也辭對之辭未聞賓盥卒壹揖壹讓升主人升復

初位

揖讓皆壹者降於初古文壹皆作一〇復初位東序端也

賓筵前坐正纓興降

西階一等執冠者升一等東面授賓

正纓者將加冠宜親之興起也降下

也下一等升一等則中等相授冠緇布冠也〇疏云案匠人天子之堂九尺賁馬以為傍九等為階則諸侯堂宜七尺則七等階大夫堂宜五尺則五等階士宜三尺則三等階故鄭以中等解之也賓右手執

項左手執前進容乃祝坐如初乃冠興復位贊者卒

進容

者行翔而前鵠馬至則立祝坐如初坐筵前興起也復位西序東面卒謂設缺項結纓也〇項冠之後也非缺

項〇冠者興賓揖之適房服玄端爵韞出房南面

復出

房南面者一加禮
成觀衆以容體

右初加

賓揖之即筵坐櫛設筭賓盥正纚如初降二等受皮弁

右執項左執前進祝加之如初復位贊者卒紼

如初為不見者

言也卒紼謂繫屬之○即筵坐櫛者當再加皮弁必脫去緇布冠更櫛也方櫛訖即云設筭疏以為此紼內安髮之筭非固冠之筭其固冠之筭則加冠時賓自設之○屬音燭興賓揖之適房服素

積素韞容出房南面

容者再加彌成其儀益繁○容者整其威儀容觀也方加緇布冠時

其出亦有容至此益盛乃言之耳

右再加

賓降三等受爵弁加之服纁裳黼黻其他如加皮弁之

儀

降三等下至地他謂卒絃容出

右三加

徹皮弁冠櫛筵入于房

徹者贊冠者主人之贊者為之○將醴冠者故徹去此等冠緇

布冠也冠者著爵弁以受醴至見姑姊訖乃易服

筵于戶西南面

筵主人之贊者戶西室戶

西○廟制近北一架西為室東為房室戶之西客位也

贊者洗于房中側酌醴加

柶覆之面葉

洗盥而洗爵者昏禮曰房中之洗在北堂直室東隅籩在洗東北面盥側酌者言無

欽定四庫全書

卷一

為之薦者面前也。葉柶大端贊酌者賓尊不入房。古文葉為搗。○註引昏禮證房中別有洗非在庭之洗也。側酌者贊者自酌還自薦也。柶類今茶匙。葉即匙頭。贊者前其葉以授賓者欲賓得前其柄以授冠者冠者得之。乃前其葉以扱醴而祭也。柶用時仰之贊者不自用故覆之以授也。賓揖冠者就筵筵西

南面賓授醴于戶東加柶面枋筵前北面

戶東室戶東今文枋為柄

○酌醴者出房向西授賓賓至室戶東受之筵前北面致祝當在此時祝辭見後。○枋彼命反冠者筵

西拜受觶賓東面答拜

筵西拜南面拜也賓還答拜於西序之位東面者明成人與為

禮異於答主人。○冠者拜訖進受觶賓既授觶乃復西序之位答之賓答主人拜當西階北面此西序東面故

註云異於答主人

薦脯醢

贊冠者也

冠者即筵坐左執觶右祭脯醢

以枳祭醴三興筵末坐啐醴捷枳興降筵坐奠觶拜執

觶興賓答拜

捷枳投枳於醴中其拜皆如初古文啐為呼○三祭疏以為一如昏禮始投一祭又

投再祭也○啐七內反捷初洽反投音插

右賓醴冠者

冠者奠觶于薦東降筵北面坐取脯降自西階適東壁

北面見于母

薦東薦左凡奠爵將舉者於右不舉者於左適東壁者出闌門也時母在闌門之外

婦人入廟由闌門

母拜受子拜送母又拜

婦人於丈夫雖其子猶俠拜○俠古洽反

右冠者見于母

賓降直西序東面主人降復初位

初位初至階讓升之位

冠者立

于西階東南面賓字之冠者對

對應也其辭未聞○字辭見後疏云未字先見

母字訖乃見兄弟之等急於母緩於兄弟也

右賓字冠者

賓出主人送于廟門外

不出外門將醴之○此下冠禮既成賓出就次以後諸事冠者

見兄弟見贊者見姑姊為一節易服見君見鄉大夫先生為一節主人禮賓又一節凡三節

請醴賓

賓禮辭許賓就次

此醴當作禮次門外更衣處也必帷幕筵席為之

冠者見於

兄弟兄弟再拜冠者答拜見贊者西面拜亦如之

見贊者西

面拜則見兄弟東入見姑姊如見母入入寢門也廟在
面拜贊者後賓出見姑姊如見母寢門外如見母者
亦北面姑與姊亦使拜也不見妹妹卑○疏云不
見父與賓者蓋冠畢則已見也不言者從可知也

右冠者見兄弟贊者姑姊

乃易服服玄冠玄端爵韠奠摯見於君遂以摯見於鄉

大夫鄉先生

易服不朝服者非朝事也摯雉也鄉先生鄉中老人為卿大夫致仕者○見君見鄉

大夫先生非必是日因見兄弟等類言之耳

右冠者見君與鄉大夫先生

乃醴賓以壹獻之禮

壹獻者主人獻賓而已即燕無亞獻者獻酢酬賓主人各兩爵而禮

成特牲少牢饋食之禮獻尸此其類也士禮一獻卿大夫三獻賓醴不用柶者沛其醴內則曰飲重醴清糟凡醴事質者用糟文者用清○註引內則者明醴有清有糟前醴子用糟此醴賓其清者也○沛子禮反主

人酬賓束帛儷皮

飲賓客而從之以財貨曰酬所以申暢厚意也束帛十端也儷皮兩鹿皮

也古文儷為離○酬賓大夫用束帛乘馬天子諸侯以玉將幣士束帛儷皮獻數多少不同其酬幣唯於奠酬之節一行之○儷音麗飲於煬反贊者皆與贊冠者為介贊者衆賓也

為衆賓介賓之輔以贊為之尊之飲酒之禮賢者為賓其次為介○與音預

右醴賓

賓出主人送于外門外再拜歸賓俎

一獻之禮有薦有俎其牲未閒使人

歸諸賓
家也

右送賓歸俎

以上士冠禮正經頗疑數事冠於廟重成人也未冠
不以告既冠不以見何也見于母而不見於父見贊
者而不見賓疏以爲冠畢已見似矣然醴畢即見于
母儀節相承則見父見賓當於何時豈在酌醴定祥
之前與又言歸俎而不言載俎其
牲未聞註已陳之要皆文不具也

若不醴則醢用酒

若不醴謂國有舊俗可行聖人用焉
不改者也曲禮曰君子行禮不求變

俗祭祀之禮居喪之服哭泣之位皆如其國之故謹修
其法而審行之是也酌而無酬酢曰醢醢亦當爲禮○
疏曰自此以上說周禮冠子之法愚按醢醢二法其異者醢
以降如初說夏殷冠子之法愚按醢醢二法其異者醢

側尊在房醢兩尊于房戶之間醴用解醢用爵醴篚從尊在房醢篚從洗在庭醴待三加畢乃一舉醢每一加即一醢醴薦用脯醢醢每醢皆用脯醢至三醢又有乾肉折俎醴贊冠者酌授賓賓不親酌醢則賓自降取爵升酌酒醢者每加入房易服出房立待賓命醢則每醢訖立筵西待賓命醢者每加冠必祝醴時又有醴辭醢者加冠時不祝至醢時有醢辭其尊于房戶之間兩甌餘儀節並不異也○醢子召反

有禁玄酒在西加勺南枋

房戶間者房西室戶東也禁承尊之器也名之為禁者因

為酒戒也玄酒新水也雖今不用猶設之不忘古也○兩甌一酒尊一玄酒尊也

洗有篚在西

南順

洗庭洗當東榮南北以堂深篚亦以盛勺解陳於洗西南順北為上也○盛音成

始加醢

用脯醢賓降取爵于篚辭降如初卒洗升酌

始加者言一加一醢

也加冠於東序醺之於戶西同耳始醺亦薦脯醢賓降者爵在庭酒在堂將自酌也辭降如初如將冠時降盥辭主人降也凡冠者拜受賓答拜如初贊者筵于戶西薦出自東房冠者拜受賓答拜如初贊者筵于戶西筵乃酌冠者南面拜受賓授爵東面答拜如醴禮也於賓答拜贊者則亦薦之○賓亦筵前北面釋醢辭訖冠者乃南冠者升筵坐左執爵右祭脯醢祭酒興筵末坐面拜受冠者升筵坐左執爵右祭脯醢祭酒興筵末坐啐酒降筵拜賓答拜冠者奠爵于薦東立于筵西冠者立俟賓命賓揖之則就東序之筵○降筵奠爵而後拜執爵興賓乃答拜拜訖冠者乃奠爵薦東其節亦當與醴同註云就東序之筵徹薦爵筵尊不徹徹薦與爵者辟後謂當更加皮弁也加皮弁如初儀再醺攝酒其他皆如初攝猶

整酒謂撓之今文攝為聶撓謂更益整頓之示新也加爵弁如初儀三醢有乾

肉折俎齊之其他如初北面取脯見于母

乾肉牲體之脯也折其體之

以為俎齊嘗之○周禮腊人鄭註云大物解肆乾之謂之乾肉薄析曰脯捶之而施薑桂曰脔脔乾肉與脯脔

別言蓋豚解而七體以乾之及將升于俎則節折為二十一體與燕禮同故名乾肉折俎齊之亦祭而後齊也

再醢言攝酒此三醢當亦攝酒下文卒醢取籩脯以降此取脯當亦取籩脯皆不言者互文見義也○折之設

反齊才計反脔音鍛

若殺則特豚載合升離肺實于鼎設扃鼐

特豚

一豚也凡牲皆用左胖煮於鑊曰亨在鼎曰升在俎曰載載合升者明亨與載皆合左右胖離割也割肺者使
可祭也可齊也今文扃為鉉古文鼐為案○上醢子用
乾肉不殺牲此下言其殺牲者又醢法之不同者也案

特牲少牢及鄉飲酒皆用右脾此合升左右脾或以嘉禮故異之與註云凡牲皆用左脾疏以為鄭據夏殷之

法未知然否肩鼎肩鼎覆鼎者也○肩古螢反鼎亡歷反脾普半反鎡戶郭反亨普庚反始醢如初

亦薦脯醢徹薦再醢兩豆葵菹羶醢兩籩栗脯羶醢今爵筵尊不徹矣

文羶為蝸○羶力禾反蝸音移喻音俞蝸力禾反三醢攝酒如再醢加俎齊之

皆如初齊肺攝酒如再醢則再醢亦攝之矣加俎齊之齊當為祭字之誤也祭俎如初如祭脯醢

肺○加俎者不徹豆籩而加設此牲俎也其祭亦止祭俎肺不復祭脯醢鄭破齊之為祭之者以先祭後齊此是

定法又不宜有二齊其所齊者也卒醢取籩脯以降如初○謂亦所齊即其所祭者也

右夏殷冠子之法

若孤子則父兄戒宿

父兄諸父諸兄。士之無父者，加冠之法，戒宿戒賓宿賓也。冠

之日，主人紛而迎賓，拜揖讓立于序端，皆如冠主禮於

阼

冠主冠者親父若宗兄也。古文紛為結，今文禮作醴。○有父加冠則將冠者紛而俟于房中，孤子則紛而

迎賓，拜揖讓立，皆如為子加冠之主。人有父加冠，凡拜北

醴于室戶西，孤子則醴于阼，此其異也。面于阼階上，賓亦北面于西階上，答拜。

父在加冠受醴，戶西拜于筵

西南面，賓答拜于序端，東面。此則與賓各專階北面也。

若殺則舉鼎陳于門外，直

東，塾北面。

孤子得申禮盛之，父在有鼎不陳于門外。

右孤子冠法

若庶子則冠于房外南面遂醮焉

房外謂尊東也不醮於阼階非代也不醮於

客位成而不尊。適子則冠于東序少北西面或醴或醢皆于戶西疏云周公作經於三代之下言之則三代庶子冠禮皆於房外用醢矣又云周之庶子宜依適子一醴用一醢夏殷庶子亦依三醢

右庶子冠法

冠者母不在則使人受脯于西階下

○母不在謂有他故非沒也使人受

脯當於後見之

右見母權法

戒賓曰某有子某將加布於其首願吾子之教之也

吾子

相親之辭吾我也子男子之美稱古文某為謀○此下
列言冠禮中戒宿祝醺醺字之辭疏云上某主人名下

某子之名加布初加緇布冠也云願吾子
之教之也者即此加冠行禮為教之也 賓對曰某不

敏恐不能共事以病吾子敢辭
病猶辱也古文病為東○共音恭 主人

曰某猶願吾子之終教之也賓對曰吾子重有命某敢

不從
敢不從許之辭 宿曰某將加布於某之首吾子將

蒞之敢宿賓對曰某敢不夙興
蒞臨也今文無對

右戒賓宿賓之辭

始加祝曰令月吉日始加元服
令吉皆善也元首也 棄爾幼志順

爾成德壽考惟祺介爾景福

爾女也既冠為成德祺祥也介景皆大也因冠而戒

且勸之女如是則有壽考之祥大女之大福也○幼志幼年戲弄之志也棄禁絕之也順成德安養其成人之德也冠義云既冠將責以父子君臣長幼之禮即所謂成德也祝以有是德即有是福是勸之也服蒲北反福筆勒反再加曰吉月令辰乃申爾服
辰子丑也敬爾威儀淑慎爾德眉壽萬年永受胡福
胡猶遐也遠也遠無窮古文眉作麋○敬

爾威儀正其外也淑慎爾德謹其內也內外夾持順成德者當如是三加曰以歲之正以

月之令咸加爾服

正猶善也咸皆也皆加女之三服謂緇布冠皮弁爵弁也

兄弟具

在以成厥德黃耆無疆受天之慶

黃黃髮也耆凍黎也皆壽徵也疆竟○兄

弟具在以成厥德言成此冠禮是成其德也首三句為一聯服叶德慶叶疆音羌正令二句又自相叶○考音苟竟音敬又音景

右加冠祝辭

醴辭曰甘醴惟厚嘉薦令芳

嘉善也善薦謂脯醢芳香也

拜受祭之

以定爾祥承天之休壽考不忘

不忘長有令名○定祥承休與易凝命之旨相

類天人之理微見於此

右醴辭

醴辭曰旨酒既清嘉薦宜時

宜誠也古文宜為痺○痺丁但反

始加元

服兄弟具來孝友時格永乃保之

善父母為孝善兄弟為友時是也格至也

永長也保安也行此乃能保之今文格為遐凡醢者不祝○孝友時格孝友極其至也教以盡孝友之道乃可

長保之也註凡醢者不祝謂用酒以醢者每加冠畢但用醢辭醢之其方加冠時不用祝辭也詳醢辭始加元

服等句與祝辭相類兼用之則複矣疏以為醢庶子不用祝辭錯會註意○來力之反與時之叶擬古雅反

再醢曰旨酒既滑嘉薦伊脯

滑清也伊惟也

乃申爾服禮儀有

序祭此嘉爵承天之祜

祜福也

三醢曰旨酒令芳籩豆有

楚

旨美也楚陳列之貌○疏云用再醢之籩豆不增改之故云有楚

咸加爾服肴升折

俎

肴升折俎亦謂豚○乾肉折俎與殺牲體皆謂折俎

承天之慶受福無疆

兩句亦

叶

右肅辭

字辭曰禮儀既備令月吉日昭告爾字爰字孔嘉

昭明也爰

於也孔甚也

髦士攸宜宜之于假

髦俊也攸所也于猶為也假大也宜之是為大矣○

此孔嘉之字實髦士之所宜且宜之而至於大也

永受保之曰伯某甫仲叔季

唯其所當

伯仲叔季長幼之稱甫是丈夫之美稱孔子為尼甫周大夫有家甫宋大夫有孔甫是其

類甫字或作父○此辭賓直西序東面與子為字時命之也據釋文備與日叶為一韻字音滋嘉叶居之反為

一韻假叶音古與甫為一韻顧炎武云備與字一韻嘉與宜一韻假與甫一韻古人文字錯綜不必二句一韻

也○甫
音父

右字辭

屨夏用葛玄端黑屨青絢總純純博寸

屨者順裳色玄端黑屨以玄裳

為正也絢之言拘也以為行戒狀如刀衣鼻在屨頭總縫中絢也純緣也三者皆青博廣也○此下言三服之屨不與上服同陳者屨賤故別言之夏葛屨冬皮屨春秋熱則從夏寒則從冬此玄端黑屨初加時所用註云以玄裳為正者玄端兼有黃裳雜裳屨獨用黑與玄同色故云以玄裳為正也絢在屨頭總其牙底相接縫中

之條純謂繞口緣邊三者皆青色也○絢其素積白屨于反總於力反純章允反縫扶用反絢音旬

以魁柎之緇絢總純純博寸

魁屨蛤柎注也○此皮弁服之屨再加時所用以魁

蛤之灰注於上使色白也。魃音閣苦爵弁纁履黑絢纁純

純博寸

爵弁履以黑為飾爵弁尊其履飾以纁次。此三加所用之履疏云爵弁尊其履飾以纁次者

案冬官畫纁之事云青與白相次赤與黑相次玄與黃相次纁以為衣青與赤謂之文赤與白謂之章白與黑謂之黼黑與青謂之黻纁以為裳是對方為纁次比方為纁次又鄭註履人云複下曰烏禪下曰履凡烏之飾如纁之次凡履之飾如纁之次上文黑履青飾白履黑飾皆纁之次此爵弁纁履而黑飾不取比方之色而以對方黑色為飾是用纁次與烏同故云爵弁尊也朱子曰三履經不言所陳處疑在房中既冠而適房改服并得易履也。冬皮履可也不履總履

總履喪履也縷不績戶內反。灰治曰總。疏云

言此者欲見大功未可以冠子故於履末因禁之也。總音歲

右三服之屨

記冠義

○周公作經後賢復為作記疏云凡言記者皆是記經不備兼記經外遠古之言案喪服記子

夏為之作傳記當在子夏前愚謂此記已有孔子曰當在孔子後不知定誰所錄冠義又記中小目餘篇不復言其義者或欲舉一例餘也又戴記亦有冠義又後儒所為故與此異也

始冠緇布之冠也太古冠布齊則緇之其綏也孔子曰

吾未之聞也冠而敝之可也

太古唐虞以上綏纓飾未之聞太古質無飾重古始

冠冠其齊冠白布冠今之喪冠是也○記者以經有緇布冠皮弁爵弁玄冠四等之冠各記其所從來與古今

因革之異此節記緇布冠為太古齊冠本無綏又始冠加之以存古意加後不復更著也

適子冠於阼以著代也醮於客位加有成也三加彌尊

諭其志也冠而字之敬其名也

名者質所受於父母冠成人益文故敬之○著

代明其將代已也加有成加禮於有成德者也諭其志敬諭之使其志存修德每進而上也敬其名敬其所受於父母之名非君父之前不以呼也此皆冠義之大者故記者釋之

委貌周道也章甫殷道也毋追夏后氏之道也

或謂委貌為玄

冠委猶安也言所以安正容貌章明也殷質言以表明大夫也甫或為父今文為斧毋發聲也追猶堆也夏后氏質以其形名之三冠皆所常服以行道也其制之異同未之聞○此因冠者冠畢易服玄冠故記之道猶制也言三代冠制周弁殷冔夏收
弁名出於槃槃大也言所以自光大也冔名出此其同等者也

於幘幘覆也言所以自覆飾也收言所以收斂髮也齊所服而祭也其制之異未聞○此因三加爵弁而記其制之相等者殺則尋夏則收也○三王共皮弁素積質

尋況甫反桀畔于反幘火吳反變○言三代再加所用也疑委貌以下節當在適子節之前與首節皆言冠制當以類從無大夫

冠禮而有其昏禮古者五十而后爵何大夫冠禮之有

據時有未冠而命為大夫者周之初禮年未五十而有賢才者試以大夫之事猶服士服行士禮二十而冠急成人也五十乃爵重官人也大夫或時改要有昏禮是也○自此至末皆明士冠禮可以上達之故此言大夫無冠禮如有未冠而為大公侯之有冠禮也夏之末造夫者其冠亦從乎士而已公侯之有冠禮也夏之末造也造作也自夏初以上諸侯雖父死子繼年未滿五十者亦服士服行士禮五十乃命也至其衰末上下相

亂篡弑所由生故作公侯冠禮以正君臣也坊記曰君
不與同姓同車與異姓同車不同服示民不嫌也以此
坊民民猶得同姓以弑其君者○此言不獨大夫無冠
禮雖公侯冠禮亦夏末始作非古也據註訓造為作則
末字當一讀近徐師曾解郊特牲云末造猶言末
世則二字連讀制作義在末造之外讀者酌之 天子

之元子猶士也天下無生而貴者也

元子世子也無生而貴皆由下升○

天子之元子猶用士禮又不但公侯已也天下固無生而貴者也

繼世以立諸侯象賢

也

象法也為子孫能法先祖之賢故使之繼世也○諸侯繼世而立疑其生而貴矣實以其象賢乃立之天

子元子亦以象賢乃享天位均非生而貴者也故其冠皆用士禮也

以官爵人德之殺也

殺猶衰也德大者爵以大官德小者爵以小官○凡以官位爵人皆以德為等殺爵以待有德安得有生而貴

者死而謚今也古者生無爵死無謚

今謂周哀記之時也古謂殷殷士生

不為爵死不為謚周制以士為爵死猶不為謚耳下大夫也今記之時士死則謚之非也謚之由魯莊公始也

○爵以德升故冠從乎賤用士禮古者生不以士為爵死不為之立謚士固賤者也

儀禮鄭註句讀卷一

欽定四庫全書

儀禮鄭註句讀卷二

濟陽張爾岐撰

士昏禮第二

鄭目錄云士娶妻之禮以昏為期因而名焉必以昏者陽往而陰來日入三商

為昏昏禮於五禮屬嘉禮大小戴及別錄此皆第二○商漏刻之名三商即三刻也

昏禮下達納採用鴈

達通通達也將欲與彼合昏姻必先使媒氏下通其言女氏許之乃後

使人納其采擇之禮詩云取妻如之何匪媒不得昏必由媒交接設紹介皆所以養廉恥納采而用鴈為摯者取其順陰陽往來○昏禮有六納采問名納吉納徵請期親迎是也請期以上五禮皆遣使者行之春秋莊公

二十二年穀梁傳曰納幣大夫之事主人筵于戶西西也公之親納幣非禮也○采七在反

上右几

主人女父也筵為神布席也戶西者尊處將以先祖之遺體許人故受其禮於禰廟席西上右

設几神不統於人席有首尾○女家將受納采之禮先設神坐乃受之西上席首在西也鄉射燕禮等設席皆

東上以近主人為上是統於人今以神尊不統於人取地道尊右之義故席西上几在右也

使者玄

端至

使者夫家之屬若羣吏使往來者玄端士莫夕之服又服以事其廟有司緇裳○使所吏反莫音暮

擯者出請事入告

擯者有司佐禮者請猶問也禮不必事雖知猶問之重慎也○前已有媒

氏通言今使者至門當知有私事而猶問之是重慎也

主人如賓服迎于門外再

拜賓不答拜揖入

門外大門外不答拜者奉使不敢當其威禮○當亦如士冠禮主人迎賓

主人西面賓東面
此時賓自執鴈
至于廟門揖入三揖至于階三讓入

揖者至內雷將曲揖
既曲北面揖當碑揖
主人以賓升西面賓升西階當阿

東面致命主人阼階上北面再拜
阿棟也入堂深示親
親今文阿為廡○以

賓升與賓俱升也疏云凡士之廟五架為之中脊為棟
棟北一楹下有室戶棟南一架為前楹楹前接簷為廡

鄉飲酒聘禮皆云當楹無當阿者今使者當阿是至
中脊下近室處故註云入堂深示親親○廡君委反授

于楹間南面
授於楹間明為合好其節同也南面並授
也○授謂授鴈楹間兩楹之間凡授受敵

者於楹間不敵者不於楹間君行一臣行二是也今使
者不敵而授於楹間明為合好故其遠近之節同也

賓降出主人降授老鴈
老羣吏之尊者○納采禮畢故
賓降自西階出廟門將行後禮

主人降自阼階授老

擯者出請

不必賓之事有無

賓執鴈請問

名主人許賓入授如初禮

問名者將歸卜其吉凶古文禮為醴○問名問女子之名

將加諸卜也如初禮者亦如納采升堂致命授鴈而出也按記主人受鴈還西面對賓受命乃降是主人既受鴈還復阼階之位西面以女名對賓賓乃降階出門也此一使兼行二禮既采須卜其事相因故也擯者

出請實告事畢入告出請醴賓

此醴亦當為禮禮賓者欲厚之

賓禮辭

許禮辭

主人徹几改筵東上側尊甌醴于房中

徹几改筵者鄉

為神今為人側尊亦言無玄酒側尊於房中亦有甌有籩豆如冠禮之設○徹去其几後將授賓也改筵改西上而東上也為人設則東上者統於主人也主人迎賓于廟門外揖讓如初

升主人北面再拜賓西階上北面答拜主人拂几授校

拜送賓以几辟北面設于坐左之西階上答拜

拂拭也

尊賓新之也校几足辟逵適古文校為校。疏云揖讓如初升者如納采時三揖三讓也主人北面再拜者拜賓至此堂飲之主人拂几者案有司徹主人西面左手執几縮之以右袂推拂几三二手橫執几進授於尸前凡敵者拂几皆若此卑於尊者則內拂之授校者凡授几之法卑者以兩手執几兩端尊者則以兩手於几間執之授設皆然又云受時或受其足或受於手間皆橫受之及其設之皆旋几縱執乃設之於坐南北面陳之位為神則右之為人則左之不坐設之者几輕故也愚謂此經授校是執其中間授之以其足以使者是彼羣吏亦不敢者也。校

贊者酌醴加角柶面葉出于房

贊佐

胡飽反辟房益反

也佐主人酌事也贊者亦洗酌加角柶覆之如主人受冠禮矣出房南面待主人迎受古文葉作攜

醴面枋筵前西北面賓拜受醴復位主人阼階上拜送

主人西北面疑立待賓即筵也賓復位於西階上北面明相尊敬此筵不主為飲食起○主人執醴筵前西北面以待賓賓拜于西階上乃進筵前受醴受訖復西階北面之位主人乃於阼階上拜送此醴古人受爵送爵相拜之法贊者薦脯醢進賓即筵坐左執觶祭脯醢以率如此

柶祭醴三西階上北面坐啐醴建柶興坐奠觶遂拜主

人答拜

即就也左執觶則祭以右手也凡祭於脯醢之豆間必所為祭者謙敬示有所先也啐嘗也嘗

之者成主人意建猶扱也興起也奠停也○賓即筵坐而祭醴南面坐也啐醴則西階北面之位奠觶遂拜亦

於西階遂拜者因事曰遂坐奠
解不起而遂拜也○扱初洽反
賓即筵奠于薦左降筵

北面坐取脯主人辭

薦左邊豆之東降下也自取脯者
尊主人之賜將歸執以反命辭者

辭其親徹○即筵奠于薦左
南面奠之因祭酒之面也

賓降授人脯出主人送于

門外再拜

人謂使者從者授於階下西面然後出去
前迎于門外是大門外此送亦大門外

右一使兼行納采問名二禮及禮使者之儀

納吉用鴈如納采禮

歸卜於廟得吉兆復使使者往告
婚姻之事於是定○如納采禮其

揖讓升階致命授鴈及主人
醢賓取脯出門之節並如之

右納吉

納徵玄纁束帛儷皮如納吉禮

徵成也使使者納幣以成昏禮用玄纁者象陰

陽備也束帛十端也周禮曰凡嫁子娶妻入幣純帛無過五兩儷兩也執束帛以致命兩皮為庭實皮鹿皮今文纁皆作熏○疏云此納徵無鴈者以有束帛為贄故也周禮純帛緇帛也是庶人用緇無纁士大夫乃以玄纁束帛天子加以穀圭諸侯加以大璋雜記云納幣一束束五兩兩五尋然則每端二丈玄纁束帛者合言之陽奇陰偶三玄二纁也鄭註周禮以純為緇故疏以緇為庶人之禮陳氏祥道云蘇秦傳錦繡千純裴駘註曰純端名則周禮所云純帛者匹帛也鄭改純為緇誤矣庶人亦用玄纁但不必五兩耳○純側其反

右納徵

請期用鴈主人辭實許告期如納徵禮

主人辭者陽倡陰和期日宜由

夫家來也。夫家必先卜之得吉日乃使使者往辭即告之。○逸言三禮同節皆如納采。

右請期

期初昏陳三鼎于寢門外東方北面上其實特豚合

升去蹄舉肺脊二祭肺二魚十有四腊一肫髀不升皆

飪設局鼎

期取妻之日鼎三者升豚魚腊也寢壻之室也北面鄉內也特猶一也合升合左右胖升

於鼎也去蹄蹄甲不用也舉肺脊者食時所先舉也肺者氣之主也周人尚馬脊者體之正也食時則祭之飯必舉之貴之也每皆二者夫婦各一耳凡魚之正十五而鼎減一為十四者欲其敵偶也腊兔腊也肫或作純純全也凡腊用全體不升者近寢賤也飪熟也局所以扛鼎覆之古文純為鈞髀為脾今文局作鉉鼎皆作察

○此下言親迎之禮先陳同牢之饌乃乘車往迎婦至成禮共三節舉肺脊食時所祭之肺與脊也祭肺則未食時祭之疏云祭時二肺俱有生人唯有舉肺皆祭今此得有祭肺者郊特牲論娶婦玄冕齋戒鬼神陰陽也故與祭祀同二肺也魚十有四夫婦各七固取敵偶亦合公食大夫一命七魚之數凡他禮牲體用一胖腊則左右體骨相配為一故得全名唯大斂士虞皆用左胖不全反吉故也。去起呂反肫音純解步米反飪而甚反藪苦弔設洗于阼階東南洗所以承盥洗之器棄水者

醯醬二豆俎醢四豆兼巾之黍稷四敦皆蓋

醯醢醬者以醢和醬生

人尚褻味兼巾之者六豆共巾也巾為禦塵蓋為尚溫周禮曰食齊視春時。敦音對齊才計反

大羹

渚在囊

大羹渚煮肉汁也大古之羹無鹽菜爨火上周禮曰羹齊視夏時今文渚皆作汁。渚去急反

尊于室中北墉下有禁玄酒在西綌冪加勺皆南枋墉

也禁所以廢甌者玄酒不忘古也綌粗葛今文枋作柄

尊于房戶之東無玄酒篚

在南實四爵合盞

無玄酒者畧之也夫婦酌於內尊其餘酌於外尊合盞破匏也四爵兩盞

凡六為夫婦各三酌一升曰爵○鼎陳寢門外洗設阼階東南豆敦饌於房中羹在櫜內尊在室外尊在房戶東爵盞篚在外尊南此同牢饌設之次○盞音謹匏白交反酌以仞反

右將親迎預陳饌

主人爵弁纁裳緇施從者畢玄端乘墨車從車二乘執

燭前馬

主人壻也壻為婦主爵弁而纁裳玄冕之次大夫以上親迎冕服冕服迎者鬼神之鬼神之者

所以重之親之繅案者衣繅衣不言衣與帶而言施者
空其文明其與施俱用繅施謂緣施之言施以繅緣裳
象陽氣下施從者有司也乘貳車從行者也畢猶皆也
墨車漆車士而來墨車攝盛也執燭前馬使從役持炬
火居前炤道○主人壻也下文女父稱主人男稱壻此
未至女家仍據男家而言故云主人一命大夫冕而無
旒士變冕為爵弁故云冕之次士助祭於公用之是士
服之盛者大夫以上親迎則皆冕服矣疏以為五等諸
侯亦不過玄冕天子親迎當袞冕或然也大夫乘墨車
士乘棧車今親迎乘大夫之車故云攝盛案巾車註云
棧車不革鞅而漆之則士之棧車亦漆但無婦車亦如
革鞅為異○施以政反從才用反迎魚正反婦車亦如
之有褱亦如之者車同等士妻之車夫家共之大夫以
上嫁女則自以車送之褱車裳幃周禮謂之容
車有容則固有蓋○如之者亦墨至于門外婦家大
車及從車執燭等也○褱昌占反

人筵于戶西西上右几

主人女父也筵為神布席

女次純衣纁衾立

于房中南面

次首飾也今時髮也周禮追師掌為副編次純衣絲衣女從者畢袵玄則此衣亦玄

矣衾亦緣也衾之言任也以纁緣其衣象陰氣上任也凡婦人不常施衾之衣盛昏禮為此服喪大記曰復衣

不以衾明非常○疏云不言裳者以婦人之服不殊裳周禮追師註云副之言覆所以覆首為之飾其遺象若

今步搖編編列髮為之若今假紒次次第髮長短為之所謂髮髻外內命婦衣鞠衣禮衣者服編衣祿者服次

其副唯於三翟祭祀服之士服爵弁助祭之服以迎則士之妻亦服祿衣助祭之服也又云此純衣即祿衣是

士妻助祭之服尋常不用纁為衾今用之故 姆纁笄宵云盛昏禮為此服○衾如占反髮皮義反 姆纁笄宵

衣在其右

姆婦人年五十無子出而不復嫁能以婦道教人者若今時乳母纁緇髮笄今時簪也纁

亦廣充幅長六尺宵讀為詩素衣朱綃之綃魯詩以綃為綺屬也姆亦玄衣以綃為領因以為名且相別耳姆

在女右當詔以婦禮女從者畢袵玄纁笄被頤黼在其

後女從者謂姪娣也詩諸娣從之祁祁如雲袵同也同玄者上下皆玄也頤禪也詩云素衣朱襮爾雅云黼

頤謂之襮周禮曰白與黑謂之黼天子諸侯后夫人狄衣卿大夫之妻刺黼以為領如今偃領矣士妻始嫁施

禪黼於領上假盛飾耳言被明非常服○陳氏云袵設飾也說文曰聚菰也象屬頤與聚菰通袵玄設飾以玄

也頤黼以象為領而刺黼也○被皮義反頤若迴反黼音甫襮音博刺七亦反主人玄端迎于

門外西面再拜賓東面答拜賓主人揖入賓執鴈從至

于廟門揖入三揖至于階三讓主人升西面賓升北面

奠鴈再拜稽首降出婦從降自西階主人不降送賓升奠鴈

拜主人不答明主為授女耳主人不降送禮不參○疏云賓升北面奠鴈再拜稽首此時當在房外當楣北面

何休公羊傳註云夏后氏逆於庭殷人逆於壻御婦車堂周人逆於戶禮不參者禮賓主宜各一人壻御婦車

授綏姆辭不受壻御者親而下之綏所以引升車者曲禮曰僕人之禮必授人綏婦乘

以几姆加景乃驅御者代乘以几者尚安舒也景之制蓋如明衣加之以為行道禦

塵令衣鮮明也景亦明也驅行也行車輪三周御者乃代壻今文景作憬○景與絢聚音相近義正同○令力

呈壻乘其車先俟于門外壻車在大門外乘之先者道之也男率女女從男夫婦剛

乘之義自此始也俟待也門外壻家大門外

右親迎

婦至主人揖婦以入及寢門揖入升自西階媵布席于

奧夫入于室即席婦尊西南面媵御沃盥交

升自西階道婦入也

媵送也謂女從者也御當為訝訝迎也謂婿從者也媵沃壻盥於南洗御沃婦盥於北洗夫婦始接情有廉恥

媵御交道其志○夫道婦入室先自即席東面婦尚在尊西南面須設饌訖乃設對席然後揖婦即坐為前後至之便故也媵即姪婦御夫家之女役南

洗在庭北洗在北堂○媵以證反御音訝贊者徹尊冢

舉者盥出除鼐舉鼎入陳于阼階南西面北上匕俎從

設執匕者執俎者從鼎而入設之匕

北面載執而俟執俎

而立俟豆先設。○執匕者南面別出牲體執俎。匕者逆者北面承取載之于俎。執之而俟豆設乃設也。

退復位于門東北面西上。執匕者事畢逆退由便贊者

設醬于席前菹醢在其北俎入設于豆東魚次腊特于

俎北。豆東菹醢之東。○魚次者又在俎東也。贊設黍于

醬東稷在其東設湑于醬南。饌要方也。○二豆並列醬北。二敦直列醬東。此為夫

設下對設二豆二敦則為婦三俎夫婦共之。設對醬于東。對醬婦贊也。設之當特俎。菹醢

在其南北上設黍于腊北其西稷設湑于醬北御布對

席贊啓會卻于敦南對敦于北。啓發也。今文啓作開。古文卻為裕。○會敦之蓋

卻仰也開敦蓋各仰置敦反贊告具揖婦即對筵皆坐皆

祭祭薦黍稷肺

贊者西面告饌具也壻揖婦使即席薦

肺也贊爾黍授肺脊皆食以湑醬皆祭舉食舉也

爾移

置席上便其食也皆食食黍也以用也用者謂用口啜

反三飯卒食

卒已也同牢示親不主贊洗爵酌酌主人

主人拜受贊戶內北面答拜酌婦亦如之皆祭

酌漱也

演也安也漱所以潔口且演安其所食酌酌內尊○內

尊尊于室中北墻下者也疏云壻拜當東面婦拜當南

面少牢饗答拜註云在東面席者東面拜在西面席者

南面拜故知婦拜南面若贊答婦拜亦於戶內北面也

○漱所
又反

贊以肝從皆振祭齊肝皆實于菹豆

肝肝炙也
飲酒宜有

有以安之○從猶
繼也振猶舉也

卒爵皆拜

婦拜見上篇見母章此篇
婦見奠菜一章及內則女

拜尚

贊答拜受爵再醕如初無從三醕用卷亦如之

無亦

從也○如初者如自贊洗爵以下至答拜受爵但無從
為異無從不以肝從也三醕則並如再醕之無從醕爵
不襲贊受爵即返之於簠別
取爵再醕三醕則用卷也贊洗爵酌于戶外尊入戶

西北面奠爵拜皆答拜坐祭卒爵拜皆答拜興

贊酌者
自酢也

主人出婦復位

復尊西南
而之位

乃徹于房中如設于室尊否

徹室中之饌設于房中為饌
御餞之徹尊不設有外尊也

主人說服于房媵受婦說

服于室御受姆授巾

巾所以自潔清今文御衽于奧媵說作稅○說吐活反

衽良席在東皆有枕北止

衽臥席也婦人稱夫曰良孟

也古文止作趾○設衽曰衽猶置尊曰尊布筵曰筵也上文媵受主人服御受婦服此御衽婦席媵衽夫席皆

與媵御沃盥交義同主人入親說婦之纓

入者從房還入室也婦人十五許嫁笄而禮之

因著纓明有繫也蓋以五采為之其制未聞

燭出

昏禮畢將臥息

媵餽主人之餘御

餽婦餘贊酌外尊酌之

外尊房戶外之東尊

媵侍于戶外呼則聞

為尊者有所徵求今文侍作侍

右婦至成禮

夙興婦沐浴纚筭宵衣以俟見

夙早也昏明日之晨興起也俟待也待見於舅

姑寢門之外古者命士以上年十五父子異宮○此下言昏之明日婦見舅姑贊者於舅姑堂上醴婦饋舅

姑於室舅姑饗婦舅姑饗婦家送者凡五節

質明贊見婦于舅姑席于阼舅

即席席于房外南面姑即席

質平也房外房戶外之西古文舅皆作咎婦執

筭棗栗自門入升自西階進拜奠于席

筭竹器而衣者其形蓋如今之

筭筭簾矣進拜者進東面乃拜奠之者舅尊不敢授也○舅立阼階上西面婦自西階進至舅前東面拜拜已

坐奠棗栗于舅席○筭音煩衣於既反筭菟居反

舅坐撫之興答拜婦還又拜

還又拜者還於先拜處拜婦人與丈夫為禮則俠拜○撫撫棗栗筭也撫之者示受也

降階受筭

服脩升進北面拜奠于席姑坐舉以興拜授人姑執筭

以起答婦拜授有司徹之舅則宰徹之。婦見舅訖復自西階降受服脩以見姑。○服丁亂反

右婦見舅姑

贊醴婦

醴當為禮贊禮婦者以其婦道新成親厚之。疏云案司儀註上於下曰禮敵者曰儔。席

于戶牖間

室戶西牖東南面位

側尊甌醴于房中婦疑立于席西

疑正立自定之貌。疑魚乙反

贊者酌醴加枲面枋出房席前北面婦

東面拜受贊西階上北面拜送婦又拜薦脯醢

婦東面拜贊北

面答之變于丈夫始冠成人之禮

婦升席左執觶右祭脯醢以枲祭醴

三降席東面坐啐醴建柶興拜贊答拜婦又拜奠于薦

東北面坐取脯降出授人于門外

奠于薦東升席奠之取脯降出授人親徹

且榮得禮人謂婦氏人○祭醴南面啐醴東面奠解又南面取脯則北面

右贊者醴婦

舅姑入于室婦盥饋

饋者婦道既成成以孝養

特豚合升側載無魚

腊無稷竝南上其他如取女禮

側載者右胖載之舅俎左胖載之姑俎異尊卑

竝南上者舅姑共席于與其饌各以南為上其他謂醬清菹醢女謂婦也如取婦禮同牢時竝當作併○自側

載以下南上以上皆與取女同牢之禮異至醬清菹醢酒尊等則與之同婦贊成祭卒食一

醕無從

贊成祭者授處之今文無成也 席于北牖下

室中

北牆下。○疏曰此席婦徹設席前如初西上婦餽舅辭

將為婦餽之位處也

婦餽者即席將餽也

易醬婦餽者即席將餽也 婦餽姑之饌御贊祭豆黍肺

舉肺脊乃食卒姑醕之婦拜受姑拜送坐祭卒爵姑受

奠之

奠于簠○舅姑之饌並設席前婦所餽則姑之饌

婦徹于房中媵御餽姑

醕之雖無娣媵先於是與始飯之錯

古者嫁女必娣姪從之謂之媵姪兄

之子娣女弟也娣尊姪卑若或無娣猶先媵客之也始

飯謂舅姑錯者媵餽舅餘御餽姑餘也古文始為姑○

媵御餽于房姑亦醕之其醕之次先媵而後御娣姪具

者媵固先雖無娣而以姪為媵媵猶先也媵從婦而餽

舅餘御從夫而餽姑餘是與舅
姑始飯夫婦之位相交錯也

右婦饋舅姑

舅姑共饗婦以一獻之禮舅洗于南洗姑洗于北洗奠

酬以酒食勞人曰饗南洗在庭北洗在北堂設兩洗者
獻酬酢以潔清為敬奠酬者明正禮成不復舉凡酬

酒皆奠于薦左不舉其燕則更使人舉爵○疏云此饗
婦之事與上盥饋同日為之昏義云舅姑入室婦以特

豚饋明婦順也厥明舅姑共饗婦鄭彼註云容大夫以
上禮多或異日故知此士同日可也此與上事相因亦

於舅姑寢堂之上與禮婦同在客位也又云案下記饗
婦節註云舅姑共饗婦舅獻姑薦脯醢但薦脯醢無盥

洗之事今云姑洗於北洗洗者洗爵則是舅獻姑酬共
成一獻仍無妨姑薦脯醢也愚案註其燕則更使人舉

爵者汎言他經正獻後更舉舅姑先降自西階婦降自

阼授之室使為主明代已○疏云曲禮云子事父母

授婦以室之事也婦者使有司歸以婦俎當以歸婦俎于婦氏人言俎則饗禮有牲

反命於女之父母明其得禮

右舅姑饗婦

舅饗送者以一獻之禮酬以束錦送者女家有司也爵

錦所以相厚古文錦皆作帛○疏云尊無送卑之法士無臣故知有司送之也姑饗婦人送者

酬以束錦婦人送者隸子弟之妻妾凡饗速若異邦則

贈丈夫送者以束錦

贈送也就賓館。既於饗酬之又就館贈之也。

右饗送者

若舅姑既沒則婦入三月乃奠菜

沒終也奠菜者以簋祭菜也蓋用薑。此

下言舅姑既沒者之禮三月婦道既成乃廟見因禮婦饗從者疏云若舅沒姑存則當時見姑三月廟見舅若舅存姑沒無廟可見或更有繼室自然如常禮也席于廟與東面右几席于北

方南面

廟考妣之廟北方墉下。席于與者舅席也席于北方者姑席也舅姑別席異面象生時婦見

之禮與常祭同几者不同也

祝盥婦盥于門外婦執筭菜祝帥婦以

入祝告稱婦之姓曰某氏來婦敢奠嘉菜于皇舅某子

帥道也。入入室也。某氏者，齊女則曰姜氏，魯女則曰姬氏。來婦言來為婦嘉美也。皇君也。○疏云：盛于門外，此亦異于常祭云。某子者，言若張子、李子也。顧炎武云：婦人內夫家無稱其舅為張子、李子者，某子云者，或謚或字之稱。愚謂疏之意，或以婦新入，婦拜扱地坐奠菜于門，稱姓以告，故亦以姓稱其舅與。婦拜扱地坐奠菜于

几東席上，還又拜如初。

扱地，手至地也。婦人扱地，猶男子稽首。○疏云：婦人以肅拜為

正。今云扱地，則婦人之重拜也。男子稽首亦拜中之重，故以相況也。愚案此席上在與之席，又拜如初，又扱地也。○扱婦降堂取筭菜入祝曰：某氏來婦，敢告于皇姑。

某氏奠菜于席如初禮。

降堂階上也。室事交乎戶，今降堂者敬也。於姑言敢告舅尊於

姑。○此奠北坐之前，以見婦出祝闔牖戶。

凡廟無事，老

醴婦於房中南面如舅姑醴婦之禮

因於廟見禮之亦象舅姑生時因

婦來見遂禮之也房中廟之房中嘗疑此老與前贊者並是男子乃使與新婦為禮在前聖必自有說非末學所可臆度矣

壻饗婦送者丈夫婦人如舅姑饗禮

右舅姑沒婦廟見及饗婦饗送者之禮

記

士昏禮凡行事必用昏昕受諸禰廟辭無不腆無辱

昕用

使者用昏壻也壻惡計反從士從胥俗作婿女之夫腆善也實不稱幣不善主人不謝來辱○昕朝旦也壻用昏親迎時也使用昕納采問名納吉納徵請期使向女家時也受諸禰廟男家禮至並於禰廟受之也辭無

不腆者郊特牲云告之以直信信事人也信
婦德也註云此二者所以教婦正直信也信
摯不用死

皮帛必可制

摯鴈也皮帛儷皮束帛也○摯必生鴈皮帛必可制為衣物

腊必用鮮

魚用鮒必殽全

殽全者不餒敗不剥傷○殽全指魚其體肉完好也此並據同牢時所用○鮒

音附餒
奴罪反

右記昏禮時地辭命用物

女子許嫁笄而醴之稱字

許嫁已受納徵禮也笄女之禮擗冠男也使主婦女賓執

其禮○疏云笄女許嫁者用醴禮之未許嫁者當用酒醴之

祖廟未毀教於公宮三

月若祖廟已毀則教於宗室

祖廟也祖廟女高祖為君者之廟也以有總麻之親就尊者

之宮教以婦德婦言婦容婦功宗室大宗之家。此謂諸侯同族之女將嫁之前教成之法。其與諸侯共高祖者是。總麻之親教之於公宮。其共曾祖共祖共禰廟者皆教於公宮可知也。若與君絕服者則於大宗之家教之。大宗之家謂別子之世適長子族人所謂宗事者也。

記笄女教女之事

問名主人受鴈還西面對賓受命乃降

受鴈于兩楹間南面還于阼階

上對賓以女名

記問名對賓之節

祭醴始扱一祭又扱再祭賓右取脯左奉之乃歸執以

反命

反命謂使者問名納吉納徵請期還報于壻父。凡祭醴之法皆如此其記於此者以問名諸禮皆

醴實故也

記祭醴法

納徵執皮攝之內文兼執足左首隨入西上參分庭一

在南

攝猶辟也兼執足者左手執前兩足右手執後兩足左首象生曲禮曰執禽者左首隨入為門中阨

狹西上中庭位併○納徵之禮賓執束帛入別有二人執皮以為庭實其執之之法襲攝之使文在內兩手兼

執其四足首向左二人相隨入門至庭則併立以西為上三分庭之一而在其南○阨於賣反賓致命

釋外足見文主人受幣士受皮者自東出于後自左受

遂坐攝皮逆退適東壁

賓致命主人受幣庭實所用為節士謂若中士下士不命者以

主人為官長自由也○賓堂上致命時執皮者庭中釋皮外足見文主人堂上受命時主人屬吏受皮者自東方出執皮者之後至其左北面受之故註云賓致命主人受幣庭實所用為節也既受皮遂坐攝之復使內文逆退適東壁者初二人相隨自東而西及退反東壁則後者在前也

記納徵禮庭實之節

父醴女而俟迎者母南面於房外

女既次純衣父醴之於房中南面蓋母薦

焉重昏禮也女奠爵于薦東立于位而俟壻壻至父出使摺者請事母出南而房外示親授壻且當戒女也

女出於母左父西面戒之必有正焉若衣若笄母戒諸

西階上不降

必有正焉者以託戒之使不忘○母在房戶西南面女出房至母左時父阼階上西

面戒之母送女至西階上乃戒之也父母不降送庶母及門內申父母之命

記父母授女

婦乘以几從者二人坐持几相對

持几者重慎之○疏云王后則履石大夫

諸侯亦應有物履之但無文今人猶用臺

記婦升車法

婦入寢門贊者徹尊冪酌玄酒三屬於尊棄餘水於堂

下階間加勺

屬注也玄酒泂水貴新昏禮又貴新故事至乃取之三注于尊中○屬音燭泂舒銳

反音
睡

記注玄酒之節

筭緇被纁裏加于橋舅答拜宰徹筭

被表也筭有衣者
婦見舅姑以飾為

敬橋所以庶筭其制未聞
今文橋為鐫○筭音煩

記筭飾及受筭之節

婦席薦饌于房

醴婦饗婦
之席薦也

饗婦姑薦焉

舅姑共饗婦舅
獻爵姑薦脯醢

婦洗在北堂直室東隅篚在東北面盥

洗在北堂所謂
北洗北堂房中

半以北洗南北直室東隅東西直房戶與隅間○饗婦
時姑洗于北洗疏云房與室相連謂之房無北壁故得

北堂婦酢舅更爵自薦更爵男女不相因也○婦得獻卒爵更爵酢舅自薦脯醢不以

人贊不敢辭洗舅降則辟于房不敢拜洗不敢與尊者為禮○辭洗

拜洗賓主敵者之禮婦於舅則不敢也舅饗婦獻爵酬爵皆洗凡婦人相饗無降婦人

送者于房無降者以北洗篚在上○疏云言凡者欲見舅姑共饗婦及姑饗婦人送者皆然

記醴婦饗婦饌具儀節

婦入三月然後祭行於祭乃行謂助祭也

記婦助祭之期

庶婦則使人醺之婦不饋庶婦庶子之婦也使人醺之不饗也酒不酬酢曰醺亦有

脯醢適婦酌之以醴尊之庶婦酌之以酒卑之其儀則同不饋者共養統於適也○亦昏之明日婦見舅姑時因使人醢之於房外之西如醴婦之儀婦不饋則舅姑亦不饗也

記庶婦禮之不同於適婦者

昏辭曰吾子有惠貺室某也

昏辭擯者請事告之辭吾子謂女父也稱有惠明下

達貺賜也室猶妻也某壻名○此下皆記昏禮中辭命

某有先人之禮使某也請

納采

某壻父名也某也使名也

對曰某之子蠢愚又弗能教吾子命

之某不敢辭

對曰者擯出納賓之辭某女父名也吾子謂使者古文弗為不無能字○蠢失容反

致命曰敢納采

○當有對辭文不具愚意亦當與擯出納賓之辭不異

納采之辭

問名曰某既受命將加諸卜敢請女為誰氏

某使者名也誰氏者

謙也不必其主人之女。疏以為使者升堂致命之辭愚意告擯者之辭當亦不異對曰吾子有

命且以備數而擇之某不敢辭

卒曰某氏不記之者明為主人之女。案前記

問名節註云還于阼階上對實以女名

問名之辭

醴曰子為事故至於某之室某有先人之禮請醴從者

言從者謙不敢斥也今文於為于

對曰某既得將事矣敢辭

將行先人之

禮敢固以請主人辭某辭不得命敢不從也賓辭也不

得辭已之命

醴賓之辭

納吉曰吾子有貺命某加諸卜占曰吉使某也敢告

賜貺

也賜命謂許以女名也某壻父名○疏於貺字截句對曰某之子不敬唯恐弗堪

子有吉我與在某不敢辭與猶兼也古文與為豫○子

言也○與音預

納吉之辭

納徵曰吾子有嘉命貺室某也某有先人之禮儷皮束帛使某也請納徵致命曰某敢納徵對曰吾子順先典貺某重禮某不敢辭敢不承命

典常也法也

納徵之辭

請期曰吾子有賜命某既申受命矣惟是三族之不虞

使某也請吉日

三族謂父昆弟已昆弟子昆弟虞度也不億度謂卒有死喪此三族者已及子

皆為服期期服則踰年欲及今之吉也雜記曰大功之末可以冠子嫁子○皆賓與主人面相往復之辭申受命者自納采以來每度受命也○億於力反卒七忽反對曰某既前受命矣唯命

是聽

前受命者申前事也。主人以期當自壻家來故辭之。

曰某命某聽命于吾

子

曰某壻父名也。使者再請。

對曰某固惟命是聽使者曰某使某

受命吾子不許某敢不告期曰某日

某吉日之甲乙。使者來時未受吉

期於壻父初執謙請之此乃因其固辭而告之也。

對曰某敢不敬須

須待也。

請期之辭

凡使者歸反命曰某既得將事矣敢以禮告

告禮所執。凡者

五禮使者皆然。

主人曰聞命矣

使者反命之辭

父醺子

子婿也。醺之於寢其儀當如冠子。

以酒命之辭曰往迎。

爾相承我宗事

相助也。宗事宗廟。

反。勗帥以敬先妣之嗣。

若則有常

勗勉也。若猶女也。勗帥婦道以敬其為先妣。

之嗣女之行則當有常深戒之詩云太如嗣。

薇音○

謂婦為相以其為夫之助也。註以勗帥以敬八。

字為句。愚謂當四字為句。事嗣叶相常首尾叶。若曰今。

往迎爾相以承我宗事。當勗帥以敬使其惟先妣是嗣。

女之敬必有常不可敬始而怠終也。末句申勸之。○勗。

父醺子辭

賓至擯者請對曰吾子命某以茲初昏使某將請承命

實壻也。命某某壻父名。茲此。對曰：某固敬具以須。

親迎至門告擯者辭

父送女命之曰：戒之敬之。夙夜毋違命。

夙，早也。早起夜臥。命舅姑之敬。

命古文母為無。○即前記云：母施衿結帨，曰勉之敬之。

夙夜無違宮事。

帨，佩巾。○即前記云：母戒諸西階上之。解衿衣小帶。一云：衣領。宮事，姑命婦之。

事。○衿，其鳩反。悅，舒銳反。庶母及門內，施鞶申之以父母之命。命之。

曰：敬恭聽宗爾父母之言。夙夜無愆，視諸衿鞶。

庶母，父之妾也。

鞶，鞶囊也。男鞶革，女鞶絲。所以盛帨巾之屬，為謹敬申重也。宗尊也。愆，過也。諸之也。示之以衿鞶，皆託戒使識。

之也不示之以衣笄者尊者之戒不嫌忘之視乃正字
今文作示俗誤行之○摯大帶其訓囊者從系不從革
視諸衿摯者教以見衿摯即
憶父母之言也○摯步干反

父母送女戒命之辭

壻授綏姆辭曰未教不足與為禮也

○此節監本脫據
石經及吳本補入

或當有鄭註而今
逸之矣姆教人者

姆辭壻授綏之辭

宗子無父母命之親皆沒已躬命之

宗子者適長子也
命之命使者母命

之在春秋紀裂繻來逆女是也躬猶親也親命之則宋
公使公孫壽來納幣是也言宗子無父是有有父者禮

七十老而傳八十齊喪之事不及若是者子代其父為宗子其取也父命之○此因請期以上五禮皆命使者行之故言使命所出必自其父若無父者則母命之母命之者亦但命子之父兄師友使之命使不得稱母命以通使也親者沒不得已乃親命之所以養廉遠恥也註引紀裂繻逆女事見春秋隱二年公羊傳公孫壽事見成八年其昏禮不稱主人母命不得通使之義並見彼傳及何休註 支子則稱其宗子庶昆弟子稱其弟則稱其兄 弟宗子母弟亦謂無父者

記使命所自出

若不親迎則婦入三月然後壻見曰某以得為外昏姻

請覲

女氏稱昏壻氏稱姻覲見也○此下記不親迎者婦入三月壻見婦父母之辭命儀節豈周公制禮

因其舊俗而為之節文與自此至敢不從並
是壻在婦家大門外與擯者請對傳致之辭主人對曰

某以得為外昏姻之數某之子未得濯漑於祭祀是以

未敢見今吾子辱請吾子之就宮某將走見
主人女父也以白造

緇曰辱○擯傳主人之言未得濯漑於祭祀謂三月以前婦未與祭也辱謂來至門是自屈辱也對曰

某以非他故不足以辱命請終賜見
非他故彌親之辭命謂將走見之言

今文無終賜○非他故謂以非他人之故而來見疏云是為壻而來見又似他故二字連讀對曰某

以得為昏姻之故不敢固辭敢不從
不言外亦彌親之辭○唐石經作某

得以為昏姻之故主人出門左西面壻入門東面奠摯再拜出

出門出內門入門入大門出內門不出大門者異於賓客也壻見於寢奠摯者壻有子道不敢授也摯雉也

摯者以摯出請受

欲使以賓客禮相見

壻禮辭許受摯入主人再

拜受壻再拜送出

出已見女父○疏云擬出更與主婦相見也愚謂壻出更以請見主婦告

摯者乃入見也

見主婦主婦闔扉立于其內

主婦主人之婦也見主婦者兄弟之

道宜相親也闔扉者婦人無外事扉左扉○扉即主人所出之內門扉也註兄弟之道謂昏姻家為兄弟○扉

音非壻立于門外東面主婦一拜壻答再拜主婦又拜壻

出必先一拜者婦人於丈夫必使拜

主人請醴及揖讓入醴以一獻之

禮主婦薦奠酬無幣

及與也無幣異於賓客○醴凝當作禮若用醴則無酢酬俟質壻

出主人送再拜

不親迎者見婦父母之禮

儀禮鄭註句讀卷二

欽定四庫全書

儀禮鄭註句讀卷三

濟陽張爾岐撰

士相見禮第三

鄭目錄云士以職位相親始承摯相見之禮雜記會葬禮曰相見也反哭

而退朋友虞祔而退士相見於五禮屬賓禮大小戴及別錄皆第三○據經初言士相見禮次言士見於大夫又次言大夫相見又次言士大夫見於君末及見尊長諸儀皆自士相見推之故以士相見名篇目錄引雜記會葬禮原文又有相趨也出宮而退相揖也哀次而退相問也既封而退鄭引之者明相見者其恩誼較朋友為疎較相趨相揖相問者為厚也

士相見之禮勢冬用雉夏用牀左頭奉之曰某也願見

無由達某子以命某見

勢所執以至者君子見於所
尊敬必執勢以將其厚意也

士勢用雉者取其耿介交有時別有倫也雉必用死者
為其不可生服也夏用牀備腐臭也左頭頭陽也無由

達言久無因緣以自達也某子今所因緣之姓名也以
命者稱述主人之意今文頭為脰○士與士相見之禮

再請返再辭勢而後見賓初以勢見次請賓反見次主
人復還勢見賓而禮成牀乾雉也某也願見見賢遍反

凡卑於尊曰見敵而曰見謙敬之辭將見人必先因所
知以通誠意主人許而後往以其許見故云某子以主

人之命命之見也○牀其
居反奉芳勇反脰音豆

主人對曰某子命某見吾子

有辱請吾子之就家也某將走見

有又也某子命某往
見今吾子又自辱來

序其意也走猶往也今文無走○某子亦所因者之姓名以其前來通意故主人自謙言其曾命某往見也某

者主人自名也賓對曰某不足以辱命請終賜見命謂請吾子之就家○命

謂主人請就家之命主人對曰某不敢為儀固請吾子不足辱不敢當也

之就家也某將走見不敢為儀言不敢外貌為威儀忠誠欲往也固如故也今文不為非

古文云固以請○疏云固謂堅固堅固則如故賓對曰某不敢為儀固以請言如

固請終賜見也主人對曰某也固辭不得命將走見聞今文不為非

吾子稱贄敢辭贄不得命者不得見許之命也走猶出也稱舉也辭其贄為其大崇也古文

曰某將賓對曰某不以贄不敢見見於所尊敬而無贄嫌太簡主人

對曰某不足以習禮敢固辭

言不足習禮者不敢當其崇禮來見已○不敢當其

崇禮變文言某愚陋不足與習禮也

賓對曰某也不依於贅不敢見固以

請言依於贅謙自卑也

主人對曰某也固辭不得命敢不敬從始○

聽其以贅見以上皆賓在門外損者傳言以相往復

出迎于門外再拜賓答再拜

主人揖入門右賓奉贅入門左主人再拜受賓再拜送

贅出

右就右也左就左也受贅於庭既拜受送則出矣不受贅於堂下人君也今文無也○凡門出則以

西為右以東為左入則以東為右以西為左入送贅訖賓敬已將故出人君受贅於堂此受於庭是自下於君

不敢與同也今文無也指上文某也固辭句

主人請見賓反見退主人送于

門外再拜

請見者為賓崇禮來相接以於莊歡心未交也賓反見則燕矣下云凡燕見於君至凡侍

坐於君子博記反見之燕義臣初見於君再拜奠贄而出○賓既出主人復請賓反入相見將以展惟燕註言

臣初見於君再拜奠贄而出亦謂既出主人復見之以君亦當遣人留之燕也以上賓見主人

其贄曰羶者吾子辱使某見請還贄於將命者復見之者禮尚

往來也以其贄謂羶時所執來者也主人對曰某也既

羶羶也將猶傳也傳命者謂擯相也得見矣敢辭讓其來答已也○疏曰上言主人此亦言

主人者即前賓稱賓者即前主人主人對曰某也

非敢求見請還贄於將命者言不敢求見嫌褻主人對

曰某也既得見矣敢固辭

固如故也

賓對曰某不敢以聞固

以請於將命者

言不敢以聞又益不敢當。不敢以聞謂不敢以還贄之事聞之主人但固請

於將命者而已益自謙之辭

主人對曰某也固辭不得命敢不從

許受

之也異日則出迎同日則否。此賓主之辭亦皆擯者傳道

賓奉贄入主人再拜受

賓再拜送贄出主人送于門外再拜

以上還贄

右士相見禮

士見於大夫終辭其贄於其入也一拜其辱也賓退送

再拜

終辭其贄以將不親答也凡不答而受其贄唯君於臣耳大夫於士不出迎入一拜正禮也送再拜

尊賓若嘗為臣者則禮辭其贄曰某也辭不得命不敢固

辭

禮辭一辭其贄而許也將不答而聽其以贄入有臣道也

賓入奠贄再拜主人答

壹拜

奠贄尊卑異不親授也古文壹為一

賓出使擯者還其贄于門外曰

某也使某還贄

還其贄者辟正君也

賓對曰某也既得見矣敢辭

辭君還其贄也今文無也

擯者對曰某也命某某非敢為儀也敢以

請

還贄者請使受之

賓對曰某也夫子之賤私不足以踐禮敢

固辭

家臣稱私踐行也言某臣也不足以行賓客禮賓客所不答者不受贄

擯者對曰某

也使某不敢為儀也固以請

言使某尊君也或言命某傳言耳○擯者所稱某也

疏云蓋主人之名賓言某也則自名也

賓對曰某固辭不得命敢不從再

拜受

受其贄而去之

右士見於大夫

下大夫相見以鴈飾之以布維之以索如執雉

鴈取知時飛翔

有行列也飾之以布謂裁縫衣其負也維謂繫聯其足

○國有三卿五大夫此下大夫是五大夫也索繩也如

執雉亦左頭奉之

也○索悉各反 上大夫相見以羔飾之以布四維之

結于面左頭如麇執之

上大夫卿也羔取其從帥羣而不黨也面前也繫聯四足交出

背上於冑前結之也如麇執之者秋獻麇有成禮如之

或曰麇孤之摯也其禮蓋謂左執前足右執後足今文

頭為脰。○疏云凡以贊相見之法唯有新升為臣及聘朝及他國君來主國之臣見皆執贊相見常朝及餘會聚皆執笏無執贊之禮又執摯者或平敵或以卑見尊皆用摯尊無執摯見卑之法檀弓云哀公執摯見已臣周豐者彼謂下賢非如士相見之禮猶如士。○士與士正法也。○麇莫兮反如士相見之禮猶如士。○士與士相見敵者之禮也兩大夫相見亦敵者故其儀如之

右大夫相見

始見于君執摯至下容彌蹙

下謂君所也蹙猶促也促恭慙貌也其為恭士大夫

一庶人見於君不為容進退走

容謂趨翔。○庶人謂在官者府史胥徒是也其在

見於君不為趨翔之容進退唯疾走而已即曲禮云庶人惟樵

士大夫則奠摯再拜稽

首君答壹拜

言君答士大夫一拜則於庶人不答之庶人之摯驚古文壹作一○案曲禮君於士

不答拜此得與大夫同答一拜者新升為士故答拜或新使反也君答一拜疏以為當作空首九拜中奇拜是

也○稽音啓

若他邦之人則使摯者還其摯曰寡君使某還

摯賓對曰君不有其外臣臣不敢辭再拜稽首受

○疏云賓

不辭即受摯以君所不臣禮無受他臣摯法賓如此法不敢亢禮於他君故不辭即受之也臣無境外之交今得以摯見他邦君者謂他國之君來朝此國之臣因見之非特行也

右臣見於君

凡燕見于君必辯君之南面若不得則正方不疑君

辯猶

正也君南面則臣見正北面君或時不然當正東面若
正西面不得疑君所處邪嚮之此謂特見圖事非立賓
主之燕也疑度之○經本言士與士相見遞推至見大
夫大夫與大夫相見士大夫見君見禮已備此下博言
圖事進言侍坐侍食退辭稱謂諸儀法殆類記文體例
矣註知此燕見是圖事非立賓主之燕者以燕禮君在
阼階以西君在堂升見無方階辯君所在升見升堂見
於君也君近
東則升東階君近西則升西階○升堂無一定之階或
東或西以近君者為便亦謂特見圖事若立賓主之燕
則君升自阼階賓主人升自西階矣疏以為兼反見
之燕恐亦於事理不合疏蓋太泥前反見註文也

右燕見於君

凡言非對也妥而後傳言

凡言謂己為君言事也妥安
坐也傳言猶出言也若君問

可對則對不待安坐也古文安為綏○此下言進言之法凡進言唯承尊者之問而對則不待安坐苟非對也則必安坐而後出言大傳曰易其心而後語亦此旨也註專指為君言似泥疏以妥為君安坐亦不可從與

君言言使臣與大人言言事君與老者言言使弟子與

幼者言言孝弟於父兄與衆言言忠信慈祥與居官者

言言忠信

博陳燕見言語之儀也言使臣者使臣之禮也大人卿大夫也言事君者臣事君以忠也

祥善也居官謂士以下○所與言之人不同則言亦各有所宜言雖多端大旨所主不離乎此衆謂衆庶居官

謂凡有凡與大人言始視面中視抱卒視面毋改衆皆

若是

始視面謂觀其顏色可傳言未也中視抱容其思也且為敬也卒視面察其納已言否也毋改謂傳

言見答應之間當正容體以待之母自變動為嫌懈情
不虛心也衆謂諸卿大夫同在此者皆若是其視之儀
無異也古文母作無今
文衆為終○母音無
帶子於父主孝不主敬所視廣也因觀安若父則遊目毋上於面毋下於
否何如也今文父為甫古文母為無若不言立則
視足坐則視膝不言則伺其行起而已

右進言之法

凡侍坐於君子君子欠伸問日之早晏以食具告改居

則請退可也

君子謂卿大夫及國中賢者也志倦則欠體倦則伸問日晏近於久也具猶辯也改

居謂自變動也古文伸作信早作蚤○欠引氣伸擣體問日早晚御者以食具告主人自變動其居處皆倦怠

厭客之意故請退可也

夜侍坐問夜膳葷請退可也

問夜問其時數也膳葷謂

食之葷辛物蔥薤之屬食之以止臥古文葷作薰○薤戶界反

右侍坐於君子之法

若君賜之食則君祭先飯徧嘗膳飲而俟君命之食然

後食

君祭先飯食其祭食臣先飯示為君嘗食也此謂君與之禮食膳謂進庶羞既嘗庶羞則飲俟君之

徧嘗也今文啗嘗膳○若侍坐而君賜之食則君祭而臣先飯徧嘗庶羞啜飲而俟必待君命之食然後食疏以為此膳宰不在則侍食者自嘗已前食非嘗君前食與膳宰正嘗食有異故云示為君嘗食也又云此小小禮食法非正禮食正禮食則公食大夫是也彼君前無食此君臣俱有食故與彼異也○啗音貼他簋反若

有將食者則俟君之食然後食

將食猶進食謂膳宰也膳宰進食則臣不嘗食

周禮膳夫授祭品嘗食王乃食

若君賜之爵則下席再拜稽首受爵升

席祭卒爵而俟君卒爵然後授虛爵

受爵者於尊所至於授爵坐授人耳

必俟君卒爵者若欲其醕然也今文曰若賜之爵無君也○此亦燕見賜爵法若大燕飲禮則君卒爵而後飲

案燕禮當無算爵後得君賜爵待君卒爵乃飲是也

退坐取屨隱辟而後屨君為

之興則曰君無為興臣不敢辭君若降送之則不敢顧

辭遂出

謂君若食之飲之而退也隱辟俛而逡巡興起也辭君興而不敢辭其降於已太崇不敢當也

○君無為興臣不敢辭即臣辭興之語也

大夫則辭退下比及門三辭

下亦降也

○士卑不敢辭降大夫臣中尊者君
為已退而降則辭矣○此志反

右臣侍坐賜食賜飲及退去之儀

若先生異爵者請見之則辭辭不得命則曰某無以見

辭不得命將走見先見之

先生致仕者也異爵謂卿大夫也辭辭其自降而來走猶

出也先見之者出先拜也曲禮曰主人敬賓則先拜賓○某無以見言無故不敢輕見也

右尊爵者來見士

非以君命使則不稱寡大夫士則曰寡君之老

謂擯贊者辭也

不稱寡君不言寡君之某言姓名而已大夫卿士其使則皆曰寡君之某欒弓曰仕而未有祿者君有饋焉曰

獻使馬曰寡君之老。此經當有脫文。註引擯弓亦多之。老二字玉藻云大夫私事使私人擯則稱名。公士擯則曰寡大夫。寡君之老與此經相發明。謂非以君命而有事他國則擯辭不得稱曰寡君之某稱名而已。若以君命出聘公士為擯下大夫則曰寡大夫。上大夫則曰寡君之老。凡執幣者不趨容彌

蹙以為儀

不趨主慎也以進而益恭為威儀耳。今文無容。○疏曰案小行人合六幣玉馬皮圭璧帛

皆稱幣下文別云執玉則此幣謂皮馬享幣及禽摯皆是又云不趨者不為疾趨

執玉者則唯

舒武舉前曳踵

唯舒者重玉器尤慎也。武迹也。舉前曳踵備躡躑也。今文無者古文曳作𡗗。○

執玉本朝聘鄰國之事。因言執摯相見遂兼及之。舒武舒徐其足武不敢疾趨也。鄭乃於舒字斷句。○躑音致。𡗗其業反。凡自稱於君士大夫則曰下臣。宅者在邦則


曰市井之臣在野則曰草茅之臣庶人則曰刺草之臣

他國之人則曰外臣

宅者謂致仕者去官而居宅或在國中或在野周禮載師之職以宅

田任近郊之地今文宅或為託古文茅作苗刺猶剗除也○與君言之時其自稱有此數者之異○刺七亦反

右博記稱謂與執贄之容



儀禮鄭註句讀卷三